



KOMUNIKADO PA PRENSA

Fecha

17 aprel 2013

Account Manager

Jhanirha Anita

Email

jhanirha.anita@gmail.com

Nr.

SERVISIO PA TRÁFIKO I TRANSPORTE TA INFORMA TOKANTE SITUASHON AWE NA LOKALIDAT PA KUR OUTO

Willemstad – Awe mainta na e Lokalidat pa Kùr outo, shofùrnán di vehíkulonán ku un stùr na banda drechi, konosí komo RHD, a ekspresá nan mal kontentu relashoná ku kùrmentu di nan vehíkulonán. Nan a skohe pa blòkia salida di e lokal pa kùr outo. E shofùrnán aki ta wòrdu representá dor di e Fundashon Stichting Right Hand Drive (RHD) Curaçao.

E akshon aki tabata basa riba diferente punto di preokupashon ku nan tabata tin. Direktor di Servisio pa Tráfiko i Transporte, Sr. Melvin Doran, a reuní ku 2 representante di e fundashon huntu ku dos miembro di kuerpo Polisial awe mainta i a palabra ku lo mantene status-quo, pues ku ta keda kùr e vehíkulonán manera ta kustumbra, i ku lo sinta huntu djabièrnè benidero parti mèrdia pa papia riba e aspektonán di preokupashon ku a bini dilanti.

Servisio pa Tráfiko i Transporte ta informá ku lokal pa kùr outo lo ta habri mayan mainta pa duna pueblo e servisio manera kustumbrá i ta pidi diskulpa pa kualkier inkumbinensia ku por a surgi dor di e insidente ya menshoná di awe mainta.